

四庫全書

集部

欽定四庫全書

集部

圭峯集卷

二十七至
三十

詳校官監察御史_臣曹坦

中書_臣劉源溥覆勘

總校官庶吉士_臣何思鈞

校對官中書_臣王 璣

謄錄監生_臣湯安泰

欽定四庫全書

圭峯集卷二十七

詩

七言古

黎太監永思詩

大家東征逐子回子如從龍母當來龍飛在天隨百雷
蟠衣玉帶晏清陪有羹可遺答涓埃高涼墓水黃猿哀

明
羅玘
撰

穀異外同趨夜臺慈烏啞啞傷痛哉負土封丘如黃能
長楸森森手自栽寺人孟子心未灰凡百君子詩可裁

戲贈楊蘄邵三君子

楊十二歲中舉蘄丹徒人邵許州守

螺贏螟蛉侍側豪江漢浮萍刺眼毫酒狂自大心陶陶
曾同靈均怨作騷一腹奚足吞江濤古言聚灰曾止滔
此事何異海可舫四夔標榜不與臯直追那頌置我叢
冥搜罔象歸籠牢火炮鐵柱沃以膏灼膚燼骨焦皮毛
鏤天大斧斬鬼刀支祈可繫百丈條荼壘畏避潛栖桃

叱穆借駿手指駒擲下轡把造父操崑崙險幽龍鬼韜
命赤郭食日幾遭入幽探恠氣愈驕陋彼嗜瑣溲溺槽
歸來疑仙或疑妖女妻驚怕僕妾逃詞源如井引桔槔
倚馬可待書者勞調高和寡中路號曳我鷓鴣出蓬蒿
關西夫子披錦袍鹿鳴初歌髡中髦大弓水犀鐵甕攷
許昌使君秉干旄燈前促膝吞醇醪狂夫大叫仍噉嘈
載鼉以車向我嘲岱宗為卑此會高

送王院判弟醫官歸宜興

鞠窮在山杏在林虎其守之爾誰侵伯也視垣目彌深
執神之機為國琛跂予望之如望霖猛於縮地天顯心
八門爆麻發吳音飲以清夜橫斗參劇談醉戲雜五禽
夜闌曉合聞球琳海噴祥旭清妖祲光翻丹極射黃金
眼飫興狂殊不禁走馬宜蹴陰山陰丈夫骭髀肯陸沉
誰家萬杵秋風碓故山無人洗藥鬻有力如虎僕可任
手牽餘皇疾飛鷺我重其別臨岐吟

送竹坡歸真州

江邊飛將猛如虎手持神臂二石弩白叟呼之立少許
立竹之陰不知午叟初栽竹栽一母母生兒孫孫縷縷
竹知叟恩叟不語試離竹行數十武誑竹無知遂飄舉
百里千里析津府竹誰灌之畚以土將有兵士環如堵
叟前呼之竟何取叟今疾趨若風雨

蟠桃壽圖江侍讀先生母八十

花開花謝花成桃穆昔花下聽雲璈狡兒擺手攫不得
屑屑覆射空饒饗水晶之盤照日月星宮之君手所操

傳聞此實鈔辟穀三千歲甌凡一遭五城十城博尺璧
較之此更如毫毛況人生有母在閤南山配彼端匪高
肉飛上崑崙絕嶺奪虎爪下懸萬猿或承九龍自西極
王母晝下駮六鼇水盤照室光閃爍勾吳水府鯨鯢遡
紫微垣高見天目駝橐螭首今誰曹欲驅飛車離帝所
兩耳鏜鏜錢塘濤曉呼黃耳負圖去便覺青鳥聲嗷嘈

送呂知縣之太寧

山行有虎溪有蛇人行百里無人家村氓生怕到縣市

更有蛇虎紛如麻朝廷養人如養子此輩毒人蛇虎似
明朝忽報新尹來震驚百里飛狂雷虎耶蛇耶在何所
山翁隔溪相喚語此縣百年無此舉

日碑調馬圖為吳克溫題

秣侯熟知馬牝牡不識蛾眉形好醜低頭摸馬恐馬瘦
膽碎渾忘身有首玉趾之前盧令令耳邊亦覺怒猊吼
欲拚百死問金人雷霆在上敢開口

挽鄧屹菴詩

屹菴先生墓上石飛蚪蹲龜新勒額妖狐不敢卧其下
山鬼呵護火通夕樵夫驚見走折足過客仰觀讀如譯
久之意象度百過奉政大夫字飛白前時石小字畫刊
祇今字大銜亦易乃知生男如仲謀胷中豈乏還珠策
聖皇褒賢常及親用此照耀賁幽宅先生蚤歲兩振鐸
庭館春風歌樸棧況當聞禮聞詩餘橋梓陰陽真一脈
都勻苗獠等犛獠賣刀買犢笑啞啞先生墓石行又鐫
百年劍水增載籍

題潘以正杖化龍圖

葉公好龍所翁畫晚歲取次真龍下青綃絳綃相戰時
九子弩力江中射人龍雜揉古其然此杖是龍久當化
狂巫姦天萬鬼泣兒嬉造化任呼吸動搖坤軸上帝怒
褫杖殛死復何及騷騷龍飛雲雨濕荒陂幽湫人莫及
壽丁坦翁七十詩

非僧非童頭亦髡行年七十口自言十二月吉置高尊
天瓢酌翻麻姑源忽驚趵突噴火敦當壚彪彤犢鼻褌

霓裳舞隊集良媛西河渾脫傳黎園曼延眩人雜黎軒
緣椿飛空弋縣猿過雲仲篴和伯壘王母欲下雲旗翻
委以錦組綴璵璠彼姝翩翩駐西奔靈藥詎恣蟾蜍吞
刀圭入口到骨恩羣僊騎鯨上朝元鯨饒吸尊涸無痕
褫其荼壘無司閭遂令鬪鬚百孟賁中道而立要朱轡
誰更口大張如盆坐之上座享禮繁勇能吞海為世婚
尊邊尾閭幸我存飲河飲渭真吾孫

王克承按江西道姚江省母

惠文岸岸山立齊直當黼辰之東西猛腦鵲擊赤狐走
虎豹在山誰采藜虞門四闢集鳴鳳周道蕩蕩驛騶嘶
重瞳尚疑紘黠塞日暮幽屋啼寡妻又疑陰陰出寵賊
敗甕臭腐生醢雞盱眙一種老鷺鴈以死博利無噬臍
官曹如在伎兒子眩亂黑白眼著昧皇威震動誓無赦
漢煥北驚曹庭犁君當一面江之右此實餌筆之壑谿
仰思簡在明並日況柄以斧斧以携舜江東頭大門屋
未到百里為會稽倚門星星筴且語鵲噪遶屋旋而棲

前驅兩兩赤鞵袴察院銀字分明題照山欲動水欲沸
旌節婀娜人填蹊隣兒詫見衣上獸云是虎豹麒麟犀
升堂一笑見顏色昔在地上今登梯入廚釘餽執匕鬯
自曳薪入妻埽室官貧未具黃金竿有酒且注青琉璃
南山雖高未足祝有過一劫南浮提

劉母七十封安人兩慶詩

贛灘二十四至此舟人落颿趨入市木鐸道人呼淨街
白頭病嫗出呼豕掃除如砥到縣門五步十步一結綺

舟人眼眩腳顫掉屏立背面人如蟻縣官身騎六馭馬
短亭五里長十里龍幢雲旌羽葆燾日月虹霓分旂旒
黃衣聖人坐紫宸黃麻飛下泥金紫卯金之家太安人
兵曹之祿寧馨子恩波浩浩沃所生母以子貴亦其理
天門使人若神仙安人壽域坐一几東筵坐令西坐丞
附耳竊語嘖不已操觚丐飭道傍姬雲泥懸隔未足擬
四百四十甲子餘先庚後甲良有以縣官持觴天使醉
誇吾縣有德爵齒兒童浪看舟人記如飽飲食誰禁止

到京細向兵曹言兵曹亦喜吾亦喜

圭峯集卷二十七

欽定四庫全書

圭峯集卷二十八

明 羅玘 撰

詩

五言律

贈常州太守楊恭甫

每遇毘陵客聲聲頌府公
如有神助政自與天通子
信二千石吾今六十翁
邇來無一字相見在秋風

榮休卷為撫州謝千戶題

吾亦欲休去多君休更先手扶新削杖弓解舊彎弦却
對寮為客翻疑身是仙五老尖上月夜夜照閒眠

壽澄江先生八十詩

久共浮雲倦為霖記昔年分陰屯綠野觸石布平泉點
綴皆形象卷舒無際邊夜深望南極已次少微躔

壽涯翁先生六十

五嶽氣完日重明麗正初壽星聚奎壁吾道此權輿誰

不登堂室多曾訂魯魚白頭王孝逸北面敢徐徐

送王太守之福州

建溪難採枲黎嶺可捫天行路無多日居官動幾年心
忘書郡最身要得民便不用磨崖石口碑容易鵲

挽馬侍郎先生夫人詩

嫁衣猶在篋翟芾只存圖篋啟遠追日圖披虞祭初天
曹觸訃哭方伯得輶扶無復聞鐘起朝催學士趨

沈侍郎七十詩

陽羨城邊水征西廟後山氣應作雲雨公獨住中間昔
道九州隘今隨一鶴閒且當熙皞日春酒駐酡顏

送戶部張尚書歸南海

御史大夫舊尚書戶部新不如歸去好猶是自來貧壁
有留詩句路無逢故人潮聲纔入耳始覺嶺南身

送工部洪尚書上京

南都送司寇北都迂司空船底水初泮馬頭花正紅班
齊丹陞左朝罷午門東誰問考工記年來盡屬公

壽尹老夫人八十詩

世上西王母山中老縣君閣同周吉甫膝遶晉參軍宮
錦歸時賜瑤漿宴日醺黃州碑壽域吾意亦云云

送上舍徐生歸新城生之尊甫子友也今任
海南故末及之

燈火從隣乞釐鹽得僕便眼空天下士足踏崖頭船數
去心如箭思家日是年更堪霰白髮遠在海南邊

送少司寇張公赴召

天子念南東中丞理大農隨機足局鑰據案泛蒙衝詔
下星馳火卿行馬似龍周圉已空寂好更著苔封

送何司馬赴司寇名

騶響來春騎酒空移曉船彩雲更紅日碧水與青天東
矢鉤金事黃旗紫蓋邊不須登峴首行看有碑鐫

題盟竹翁卷謝中府父也

如公真不惡種竹作人看有酒對之飲抱琴於此彈但
隨天旦莫肯逐世炎寒莫道無遺蔭參軍且轉官

壽樂堂

團團椿樹影細細藕華香天上神僊府人間壽樂堂無
時不歌舞此日且笙簧便是長生術何須却老方

送馮銀臺赴召詩

唐人少陵杜虞氏納言龍官住兩都遍詩求百代宗金
山渡頭寺鐵甕望中峯若度盧溝月可通書一封

送丁驛宰之直河

四水趨淮水南舟間北舟流行無晝夜來往自春秋能

似阮青眼方為王黑頭萬金買奇術一味向人柔

松月先生挽詩

姑蘇一夜雨端為泣倉公太史夢中見使君歸去逢松
枯月色澹火地藥爐空更恐少微墜吾當瞻昊穹

唐給事中挽詩

待旦思投匭詰朝忙蓋棺於人皆是夢似此更無端黃
屋住來好瘴鄉歸得安丈夫不難死孤負寸心丹

送萬典史之黃岡

城脚更無地門開直到江縣樓對魚市驛舍接船窓鳥
立藏蛇竹蟻綠繫馬椿聽琴還聽遠不是故園腔

送蕭舉人歸永州壽親

不瞻霞白髮已是幾青春曾作還家夢終非戲綵身南
山天共老東海古無津此意誰應識瀟湘行路人

送張元興歸鉛山

鴈落雲低樹馬嘶風颺沙君今作行客吾敢詫詩家內
史忙歸院兵曹蚤退衙慙慙一樽酒明日是天涯

哭仲松東通政

嚴父省卽泣佳兒老母悲俊才先帝識奇術病夫知淮
上荒三徑松東喪一師是誰衰朽質吐納爲之司

挽羅永升母

青眼詞林伯白頭國子師淚乾惟血繼心急覺歸遲熊
膽曾嘗夜金魚未碎時東隣有發婦偃僂更何之

送毛維之歸省詩

冥濛鳥飛疾亦未若君心壽域同天闊恩波似海深衣

當笑時舞酒瞰醉前斟尚憶金蓮炬中宵出禁林

送尤溪胡煥司訓

司訓千戶之子

職清終是貴路近即為家市有人攜茵船多客販麻從
前州號劍隔嶺縣名沙日日傳書至建昌千戶衙

送苑知縣考滿還廬氏

家居瀛海側官任洛陽東縣劇民偏困心清政自通合
編循吏傳薦奏大明宮三載方書最九遷殊發蒙

送曹進士知貴池

到江真幾里為縣可三年心自難忘蜀官還只住燕鶯
花紫別酒楊柳夾行船向日登瀛客相期禁籞邊

送周仁夫赴長沙司訓

道大青天闊官閒白晝長眼中碍衡嶽心底湛青湘詩
到窮偏妙人難老更狂何時一樽酒風雨夜連牀

馮戶部員外父榮壽詩

瓊州人

報道過徐聞皇皇龍鳳文老剛緣子貴祿幸自天分春
酒屠蘇氣宮花錦繡雲茫茫孤嶼上千里寄書勤

送徐德章中舍捧詔金陵便省宜興

閣老孫

上方消息杳傳語落人間
南國持旌去東吳衣錦還入
門便遶膝登馬強看山可過
先公隧荆溪第幾灣

贈信豐余德洪入南雍詩

滕王閣下路徐孺宅邊船
夢到猶疑窅別來真是僂
啖齏聊逐伴負弩獸歸虔
不訝冰衙冷還留一半羶

壽樂安謝宗伯弟紳六旬

紳封股孝子也

犀鏤黃金帶隔身圍幾遭
號天原是癖肥義若為鑒
形

與故山老名從何處逃難能步南極可有一星高

無錫華封君七十時其子員外慮獄過家便

慶

七品去年封七十此時逢子歸殊殺伐老自不龍鍾賓
是毘陵守隣為無錫農惠山泉似酒恐亦有僧供

送彭世傑之廉州經歷

臨川人

百粵通丹徼孤城對海門珠光夜炯炯蜃氣晝昏昏但
得參軍壯能令刺史尊明朝萬里別吾意欲忘言

內齋為淦邑謝能順題

溝平水不咽林密鳥無驚
花笑因風動門開覺犬行
詩成潛索筆燈滅暗移擎
人亦常如此君何獸得名

菊莊為陶處士作

陶令公然醉生涯半草萊
門從前日掩菊待幾時開
山近還堪竹亭空只欠梅
中冷有泉水欲引過江來

送人之建寧衛經歷

其父祖皆仕閩

油帝瘴烟濕牙廂蠻語喧
參軍心似水飛將臂如猿
鹿

向無人瘞蟲於知已捫閨官已三世不必論卑尊

壽黃壁父母同六十

相對時相語燈垂幾夜花吾於女共老天與子還家眼
目南山頂心神北海涯不須髡白髮留取著烏紗

和吳克溫直禁衛卒韻二首

天街立爾矛夜直敢言休步急足連足衣鉤頭觸頭餓
焦腸似線凍裂頸生疣終不思為盜竊君狐白裘

又

燎影晃霜矛周廬夜敢休足旋蟻上磨項縮鼈藏頭髮
凍凝懸瑱盃拋勝割疣三邊幸無事霜重好披裘

送姚治中歸

納納乾坤大紛紛冠蓋多相逢齊道隱到老尚奔波京
兆纔三日臨川留一鞞彩衣是潮絹公也好婆婆

送易世臧歸新喻

包篚東南物京師天地中雲間瞻象魏馬上遇王公賓
館金蓮炬歸舟紅蓼風古人別三日刮目待吳蒙

挽錢太僕父

吳山蛻骨僊遊神何處邊更越十餘載剛為一百年深
衣扶老杖瘦石紫芝田詔許增新謚先生舊姓錢

榮使壽親圖為郭廷用作

離家十二載戀戀老萊衣樂浪從東去遷安便北歸銀
魚懸白屋驄馬卸金鞵候吏如相信終朝莫叩扉

鄉進士邊君子友屈君之內弟也不得願而
歸予重屈及君詩以道意

蠶食葉聲慣衣沾柳汁無久之天自定過去事皆虛得
路歸瀛海登堂拜大夫便便盡經筭好在屋東隅

送楊知舊歸關中

秦語隣兒得歸衫母線多離筵添許我行色去由他儘
是家來近其如兄憶何定無勞鬻指歲歲此婆婆

長春軒為清江劉先生題

竹密年年筍樹多日日花天應憐老景春且住貧家鄒
氏律吹谷建溪鼓喊茶終湏窺造化不似此生涯

郭節婦郭郎中祖母也

抱子哭夫日抱孫哭子年身危將累卵心碎甚飛綿孤在千金重郭亡一髮縣萬鍾生不待祇買墓邊田

童給事便省歸蜀

百四十八歲中分當此年相看似賓主人擬是神僊冠忽加頭上子方歸日邊丁寧焚諫草恐與蜀人傳

送少師徐先生致仕歸宜興

有鴈如鵬大南歸正趁公低飛無渤澥回首失龜蒙野

水孤雲興白蘋紅蓼風丁寧後來侶吾已到吳中

敦艮齋為清州胡居士題

玉輿根盤壯清洲枝蔓稠山於眼中老水向面前流世
自多岐路吾非不繫舟韋編任三絕夜夜夢西周

無題

大隱隱城市遠遊遊帝都君今成老叟吾尚滯癯儒對
酒情濃淡思家夢有無一聲天外鴈南去可相呼

圭峯集卷二十八

欽定四庫全書

圭峯集卷二十九

明 羅玘 撰

詩

七言律

和少宰李石樓遊牛首韻

崔嵬崔嵬復崔嵬大行之高高矣哉看華歷歷見十丈
尋僧往往逢萬回昔聞龍盤鍾王氣今踏牛首臨江隈

不如壯歸依舊望眼中何人能一陪

送李石樓北歸

白下遙遙移繡斧日邊近近倚銓衡不因混沌無痕鑿
肯信陽春有脚行驄駐金城秦壯麗詩題汴寺宋經營
平生事業非軒冕盡付頭顱白髮生

壽饒指揮六十詩

有引

九江衛指揮使臨川饒公予壻珙之大父
也今年夏以恩例授今官仲秋丙戌屆其

六十之辰予縻於斯實乖登堂之祝擬綴
文代之而新瘥之軀弗堪強焉乃先之以

詩云

江州司馬鬢扶疎我憶年方遽大夫倒困昔非緣實食
前驅今不為新符臨川城外竹千畝天子宮邊宅一區
兩眼未饒滄海闊百年如幻過須臾

送劉舉人歸臨汾

石城城門騎馬出龍江江船破浪行鍾山過去忽百里

太行到時還幾程
蚤依日月有季父
朝遙鴈鷺多難兄
老夫從此飲社酒
留耳好聽春雷聲

瀛洲雅會次韻詩

千年王氣此山谿
虎踞龍蟠舊品題
黃道正行今日月
朱衣原在殿東西
知章許我同騎馬
太乙憐公肯植藜
白首放歌還縱酒
何時背為負暄低

又

何年夸父海中遊
摘此瀛洲莫此州
風景從前如有約

江山於我若為謀
詫登洞府心先醉
看眩曼延眼欲流
老去枯腸仍酒病
坐來瓊玖付誰收

藥蘭春雨詩

春風吹濕楚天雲
卸下芳蘭點點春
箇裏化機原醞釀
眼前生意此君臣
從渠餘潤歸滄海
贏我全功付谷神
只恐南山又朝隰
不妨重壓華陽巾

和劉野亭竹鶴詩韻

誰染玄裳誰與裁
渭川誰種復誰開
因時籜落驚風舞

瞑起林空踏月來鳴向中天鳩鵲觀飛依南郭鳳凰臺
坡公更續雲龍記誰道文星逼上台

又

肉食於公舊減裁鶴籠新向竹邊開細思饒守胸中飫
却訝坡仙夢裏來豈為雌雄諧律呂要多清逸壯樓臺
陽春白雪須追步莫待歸當第幾台

續和野亭竹鶴詩

籠閉籠開任主裁主如憐鶴可長開肯容俗客調飛舞

許借仙人騎往來曾對鳳鳴棲在竹定因子蘇立當臺
赤睛可是能人語我欲從之問斗台

和涇川觀音巖韻

此生此日此馮軒驚見銀山大浪翻石窟定僧如鬼瘦
斗崖懸樹與猿攀風雷半夜鯨鯢吼霜露滿天鴛鶴喧
面面雲中千岫出若為龍象築長垣

再和涇川遊觀音山韻

洞門禹鑿故軒軒詫訝遲回踏石翻形勝坐呼僧問得

險巖一任隸扶攀江澄燈影虛明滅泉作蠅鳴乍寂喧
又說下方蛟蜃惡怒時壅水到城垣

和涇川梅花水韻

梅華水沁白雲根多事公遊公試言想古有華真壯觀
到今無日不潺湲靈源脉脉唯僧識題壁歌歌僅寺存
酒盡夕陽人散後六朝多是合招魂

和馮銀臺遊清涼寺留別韻

餘燭剛得片雲浮天亦憐人絕頂遊此會垂垂遺我老

諸公衮衮覺誰憂已傳新將韓擒虎無復偷兒慕盪舟
定到五更宮漏下可忘問寢到龍樓

送雷廷亮自南太學歸

三月鶯華江不寒歸船如馬坐來安眼觀城郭人民舊
心覺形骸禮數寬翁試抱孫忘老去飲初留令喜盃乾
羹牆俎豆常常見自是他年易作官

送戈侍郎赴召詩

老於離別倍傷神珍重單車赴召身喜見王師飈赤幟

免逢黎庶逐黃巾重縻好爵周班舊却厭刑書鄭鑄新
瀛海東邊幾隣並依然相迂笑公貧

遊方山路間定韻與石樓志別

相逢盡道乞還山公乞還山便得還浮世風烟碁罷局
百年光景手循環穿雲躡磴疑天上到寺對僧如夢間
明日河橋盃酒後月明千里隔陽關

涿州張太守四異詩

列郡憂民獨數君暗疑黃霸是前身但逢六月雨連日

聞說他州蝗撲人怪得今年禾作色莫言此地雪無神
涿中怨殺閨中子羸爾明明一寇恂

和吳克溫白髮詩

珍重乾坤到骨恩若持頭髮我為尊清晨揀却黏梳齒
白晝愁渠覆腦門烟澹竹鑪將炮火葉黃百草暗通根
滄桑變盡渾閒事笑絕嫦娥竊藥奔

次內閣賞芍藥韻二首

疑爾前身定姓陰漢家宮闕受恩深似曾改樣圍金帶

也解隨人獻赤心纔亞花王一二品隔於梧樹十來尋
倚欄不住歛龍箋媿殺啾啾蟋蟀吟

又

朝回箇箇乞花歸預恐明朝花漸稀誰肯口乾勞品第
吾擽鼻齟嗅芳菲初生定是鴻銜子夜護寧無鬼設圍
欲典春衣買多紙賞音傳寫到巖扉

曾太守留別韻次之

愛住常州蘇長公煩公多事覓公蹤文章淵藪機雲在

錦綉江山宛洛同地接海門疑日近官聯京兆與天通
行春如到具區澤要斬茭菰萬萬重

坡隣翁壽為姚侍御父作

羅浮人

山幽幽中老更佳泉瀲灩處時一行東坡先生舊隣並
羅浮僊人親弟兄誰歸北斗有綉豸自吸南海如長鯨
經過况是堯甲子一歲一度歌昇平

送楊志道之長沙

因言事被謫

玉堂晝靜學士下白雲司閒主事歸一家父子聚言語

今日朝廷公是非愛爾為人支矮屋從渠攘臂著緋衣
鏡川先生真不死太傳忠魂亦有依

和余宗周出巡遼東韻

十里長亭十里心酒盃此際為誰深前人謾說馬知道
我輩親看鷄在林黑白水今無險阻東西遼已有喉襟
避人諫草堪焚却喜得官家惜十金

望慶圖為裘鴻臚作

明年莫雨豫章城須放高堂百日晴賓從來如華簇簇

歌鐘細逐燕輕銜
巾青鳥下不下入饌
白魚烹未烹
獨有玉皇香案吏
殿東頭上望長庚

送趙縣丞之任招遠詩

海上羣山魚立頭
待君單騎入登州
颶風夜半驚批屋
蜃氣朝來看吐樓
諺素慢從羣吏睨
耳真聾有府公
留寅賓出日今何處
好與乘閒款款遊

送孫幼真進表回江西

但知官事如家事
錯認江鄉為帝鄉
萬里我猶聞破竹

十三郡有不存棠獨當一面華封祝舊識兩班陞盾卽
望望白雲歸去路路邊歸去是濠梁

賀徐老先生七十詩

東坡科名豈偶似東里相業再見之羣鳥總依儀鳳集
四海直是巨鼇支曾逢後車載八十寧許左丞私二宜
秋旻湛湛夜如洗南極分明騎尾箕

送江侍讀封王便省

振舵移船捷有神黃頭亦是錦纏身百年最幸為天使

萬喜無過見老親在櫝幾行金沆瀣照人兩面繡麒麟
知君滿作南遊興只恐君王問侍臣

送茅僉憲進表畢歸江西

初見匡廬如望闕却臨燕地即登仙星躔寶鉸單函入
雷動嵩呼萬口便內帑出繒宗伯給太官賜宴近臣宣
湖東盡說提刑至眼看北風能送船

送貴溪江醫官歸任乙巳歲同入陝西有舊
也

當年西去子猶州今日北逢吾已翁沒齒可忘商洛鎮
是中亦有太倉公身於邑屋權生死術比兵家慎守攻
到得四郊無禱祠道人長坐上清宮

送周工部冊封兗州

百尺樓船陰水容夾河爭認是東封文章蝌蚪生金薤
日月光華射衮龍孔道晝臨宣父宅使星宵逼丈人峯
九重昨露真消息欲買龜蒙作附庸

毛太守挽詩

豐城人先在北京後改南京一督兵征荆襄以俸請父勅命

人人盡道把麾難
南北端公亦戰鞍
名與世存身可死
恨同天大父無官
孤墳一任樵夫識
遺事今歸野史刊

無限青山臨劍水
更聞衮衮豸為冠

太守以御史陞故云

程侍御載道奉使便省

載道初隨父任南京杭州

鍾山雲落吳山雨
夜夜書燈喚子眠
官肯清貧終得計
老同封爵即為仙
偶然烏府風霜客
行到蒼苔杖屨邊
候吏街頭任沽酒
門前已卸曉驄羈

送許時髦臨川得千戶

擬峴臺前黃葉飛彎弓新射鳬歸千金裝劍驟生武
五品製衣行欲緋到此始堪言日近有方曾試療吳饑
少年田牧白頭將肯學溪翁老釣磯

納粟得官秋
初離京故云

送畊隱翁歸義興徐謙齋先生之叔也

相君朝在大明宮更出都門送季翁行幄少遲車馬塞
籃輿纔過市廛空思當黃閣梧桐月去趨蒼洲蘆荻風
想得故園春酒熟一尊端不負張公

宜興有張
公洞故云

次梅屋留別韻

夾河好樹徐徐數向曉輕舟細細那眼底乾坤容我老
胸中芥蒂任渠多滕王閣上記如許白鹿洞前山若何
千古東湖徐孺宅春來依舊草生麼

壽黃壁父母同六十

麻鞋未便見天子白首不妨封縣君萬八千歲古或有
百二十年今且分寧馨上堂開口笑星斗滿壁驚人文
是中更比鹿門好清江空明無片雲

晚畊為謝邦碩父作

新著簑衣拜社神百年強半老農身敢因有意逃詩債
自是無言對俗人乞火燒畬到鹽竈劈薪借斧走東隣
潮聲漸不驚朝卧縱使客來常脫巾

雙桂堂為張天麟兄弟作

乙卯兄舉順天弟舉
應天弟連登進士

冀北空羣兄憶弟江東得雋弟思兄人間古語傳千里
天上春雷恰一聲國有虎龍還壯觀車無軾轍可橫行
平生浪說張金紫薦地庭前雙桂生

其家舊號張
金紫故云

送蘇伯誠提江西學

翼翼滕王亭子東他年騎馬定逢公離羣太急非嫌冷
去國無名為發蒙遇有閒時遊鹿洞試於清夜瞰鮫宮
鳳池纔隔三千里影影銀河一水通

傅體齋先生冠孫次徐舜和韻二首

雜雜嘈嘈蜂報衙可堪賓從闕堂譁用剛用吉無今日
冠子冠孫能幾家天道那如人道邇太宗親見小宗加
騎箕未忘世間事亦自天關拍手誇

又

公蚤移家傍太微種孫種得此孫稀任渠姆抱省如畫
未必眼觀燎有輝鄉里兒童雖弱冠伊誰父母尚重闡
更傳三世調羹手坐朽桁楊到繆徽

宜興堵安母慶壽圖詩

肩山瘦聳晚山寒淚眼如何濕未乾心向夜爐灰久死
夢回風燭骨先酸少曾鬻髮寧憂老老得含飴始覺難
西掖詞官舊隣並馮誰傳作畫圖看

送嘉興周使君

癸丑同考南宮

漆黑頭顱一府公騎牀啞啞憶南宮
齊竽不覺吹時濫
杜耳生愁別後聲
家住瀛洲還近路
郡於吳地畧偏東
寸心想是多懸闕
縱有湖山在腹中

和錢屏閣燈韻

暗疑蠻女手纖纖如許經綸一手兼
綉雲籠星宿海
蟲魚影動水晶簾
瓦穿或是蟾光漏
天暝當無日晷添
比屋可能成徧照
爭功祇恐燭龍嫌

和江殿讀齊居韻

漠漠昏鴉飛遶堂抱綢吾恰到西廊謾拈短燭尋詩壁
笑見斷甎支敝牀家遠青山難入夢時清白首好為郎
不慚衰朽迎歸蹕貪看梯航集萬方

送伍朝信

明州老叟老垂垂偏是君行聖得知莽把壺漿賀隣並
強分竹馬付羣兒天曹如此能推轂學士無何好撰碑
一味循良尤絕品家傳不向外人師

和胡大聲守嚴留別韻

猶有故人居赤霄自將身去去迨迨於今當道豺無數
到處深淵魚孔昭官喜作於微士郡時方絕類孝宣朝
言綜核
名實如聞威鳳君須記是鳥曾來和舜韶

圭峯集卷二十九

欽定四庫全書

圭峯集卷三十

明 羅玘 撰

詩

五言絕句

題杭州蕭醫官卷

簦簞須臾間元功奪造化比於戰昆陽此更論無價

送雷生謙歸南城二首

玄武湖心月太平堤尾風世人皆棄却好看入胸中

又

銓次吾叔女離筵女別吾鄉人問行色可有杜詩無

三友圖為門生吳廷亮作

東風不知春西風不知秋相期翔風夜一洗羣芳羞

七言絕句

瑞麥詩

有引

馬生憲嚴生効金生鐸江都人也予昔憇

江都三生者從予游別不見者幾年矣是
月初吉渡江而南見予於容臺無他言也
惟曰吾宰傅君之仁也明日復來亦惟曰
吾宰傅君之仁及物也又明日見予如初
予曰盍言之三生曰野有麥一莖而二穗
野人持而獻焉意吾宰之仁有以召之也
歟予曰噫是瑞麥也古之循吏則有之予
當為生歌之三生者喜曰此三生之所以

來也再拜稽首持而去詩曰

笑數流言去去多飽眠無奈夜深何忽然一覺揚州夢
聽得人間瑞麥歌

壽楊名父母八十

身上衣裳線縷縷眼中雲物白英英不勾慈湖釀春酒
中朝已沸頌絃聲

萱壽為車駕冒郎中母作

桂子垂垂蘭茁芽託根原自傍萱花憑誰天上分靈種

王母宮邊第一家

潮中獨立松為雷廷亮題

潮濺龍鱗海眼空風濤總與夜聲雄
更憐獨立真誰友肯遇秦皇草次封

五色菊為周少司題

疑是仙宮五色霞仙人剪綴作奇葩
又憑五柳先生手寫與工虞富貴家

為楊國安題扇面

瞑色先於樹杪懸
船歸欲縛水亭邊
今宵買酒不成醉
猶勝田家只渴眠

送任元之南遊

平生海角與天涯
逢着飄然即泛槎
獨有高堂皤白髮
一回思動一還家

風泉閣為德興項德懋題

閣外寒泉原自清
泠泠慣與夜風爭
閣中默聽人何在
今日新添一雨聲

壽劉翁七十詩

乾坤一醉一醒中
未是衰翁未是童
把酒對君君自記
百年百度醉春風

和羅先生聞永升及第後三韻

阿雲入落端無耗
年矢催人暗有期
浪聽兒童傳吉語
阿雲已傍渾天儀

右聞信

上苑繁花可浪開
花如有意亦憐才
君王詔許才郎折

昨日才郎在草萊

右及第

探花郎

蒼蒼愈老愈慈愛誰意蒼蒼亦不慈奪却鳳毛何處去

一生斷送與明時

右除官

集杜句送現昇歸作僧宮

五月寒風冷佛骨中夜起坐萬感集僧實人人明月珠

弟子誰依白茅室

蒲圻陰陽訓術龔君素不識慕名來求自云
伯晟任御史云其方物以其非素相知歸
之

東風歸去一星官堂上東頭是豸冠如問翰林誰最健
此翁老未入詩壇

蒲圻馬文明以濟源訓導陞保寧蒼溪教諭
亦慕名來求

幾年清濟沁詩脾端為官家養桷椽恐是錦屏應飽看

莫嫌來取棟梁遲

送水南李十四

金臺城中花鳥春
月河寺邊多歸人
濁河一日東風起
萬里咫尺盱江濱

送季省祭攜子歸鄉考試

碧油幢下黑頭公
挾子歸去翺秋風
江南一望六十里
滿船載雨花溟濛

紅梅圖為肇和題

西湖殘雪候多時却恨前年被雪欺且學杏花紅似錦
暫招鳴鳥到南枝

二兔一白一黑圖


衣褐之徒吾久識炭烏雪白始驚看獨憐總有高人處
唇缺何曾怨齒寒

灞橋圖為楊碧川先生題

雪中驢背縮更縮門內主人招未招只恐有詩無賣處
至今人說灞陵橋

赤壁圖亦為楊碧川題

如此良宵能有幾有船便合載坡公當時若只載歌舞
安得於今在畫中



圭峯集卷三十